



**OFFICE OF THE GOVERNOR
AMERICAN SAMOA GOVERNMENT**

POLOA'IGA FA'ALAU'ITELE

“APERILA O LE MASINA E FAATĀUA AI LE PUIPUIA O TAMAITI MAI SAUAGA”

- TALUAI,** o a tatou fanau o a tatou puna'oa pito sili, ma e matuā tāua mo le lumana'i manuia, tamao'aiga, ma le soifua laulelei o Amerika Samoa. Ua 'avea fo'i latou ma o tatou tagatanuu pito sili ona taiagofie i le asō ; ma
- TALUAI,** e tatau mo fanau ta'ito'atasi se nofoaga saogalemū, mautū, ma se aiga e faafailele ai, i ni alalafaga latou te moomia ona u'unaia lo latou ola maloloina ma le tuputupu a'e; ma
- TALUAI,** e 321 lipoti na faao'o atu i tautua tau puipuiga mo tamaiti i le 2021-2022; ma
- TALUAI,** o le sauāina ma le tu'ulafoa'iina o tamaiti o se faafitauli tugā e a'afia ai vaega uma o o tatou alalafaga, ma o le maua mai o fofō, e mo'omia ai le sao ma se gaoioiga mai tagata uma; ma
- TALUAI,** e mafai ona faa'umi'umi a'afiaga o le sauāina o tamaiti i le mafaufau, i lagona ma le tino, ma 'e mafai ona faa'umi'umi ona a'afia ai ē ua afaina; ma
- TALUAI,** o tulaga e puipuia mai ai, o tu'utu'uga ia e faaitiitia pe aveesea ai lamatiaga, ma u'unaia ai aga moomia, lagona ma le tuputupu lelei o le fanau; ma
- TALUAI,** e manuia faatinoga e puipuia ai le le sauaina o tamaiti ona o le faiga faapa'aga i le va o ē iai le tomai i le ola lelei o tamaiti, o a'oga, soifua maloloina, alalafaga, ma faalapotopotoga tau lotu, pisinisi, faamalosi tulafono, ma aiga; ma
- TALUAI,** e tatau i alalafaga ona matuā taumafai e u'unaia polokalama ma faatinoga e maua mai ai fanau ma aiga e malolosi ma ola fiefia; ma
- TALU AI,** matou te faailoa atu e tatau ona tatou galulue faatasi o se potopotoga, e faatupula'ia le malamalama e faatatau i le sauaina o tamaiti, ma fai se sao i le u'unaia o le ola lelei i aga fesoota'i ma lagona filemu o tamaiti ma aiga i se si'osi'omaga saogalemū, mautū ma lelei le faafaileleina; ma
- TALUAI,** o le (nofo) puipuia o loo tumau pea o le puipuiga sili lea mo a tatou fanau ma aiga.

OLEA, O A'U, LEMANU P. S. MAUGA, Kovana o le Teritori o Amerika Samoa, e tusa ai ma le pule ua tuuina mai ia te a'u e le tulafono ma tagata o Amerika Samoa, ua ou poloaiina le masina o Aperila, 2023, e fai ma **MASINA O LE PUIPUIGA O FANAU MAI LE SAUAINA** i lo tatou Teritori. Ou te valaau atu ai i tagata uma i Amerika Samoa, ina ia faamamaluina lenei masina e ala i le o mai faatasi e u'una'ia le saogalemū ma le ola lelei o fanau ma aiga, ma amana'ia le malosi ma le mafai ona gafatia 'e tagata matutua ua sao mai le sauaina a o iti, ma aloa'ia i latou o galulue mo le ola manuia o fanau, faapea ē lagolagosua ma lē faalogologotigā, e puipui a tatou fanau.

UA FA'AMAONIA LENEI POLOA'IGA, e ala i lo'u saina, fa'atasi ai ma le fa'amaufa'ailoga a lo'u ofisa ua faia i le aso 30 lenei o Mati, i le tausaga o le Mesia e lua afe ma le lua-sefulu ma le tolu.


LEMANU P. S. MAUGA
Kovana